

Paerewa Paetae

Paetae Te wetewete i ngā tuhinga tuatahi.	Hei tohu i te paetae: <ul style="list-style-type: none"> • Ka wetewete i ngā tuhinga tuatahi i whakaritea ai te tatau kupu Māori, kupu whakamāori, tikanga tuhituhi hoki. • Ka whai i ngā tuhinga tuatahi kia kite atu ai i te whanaketanga o ngā tikanga tuhituhi.
Kaiaka He kaiaka te wetewete i ngā tuhinga tuatahi.	Hei tohu i te kaiaka: <ul style="list-style-type: none"> • Ka nahanaha te wetewete i ngā tuhinga tuatahi i whakaritea ai te tatau kupu Māori, kupu whakamāori, tikanga tuhituhi hoki. • Ka tautuhi i ngā tuhinga tuatahi kia mārama ai ki te whanaketanga o ngā tikanga tuhituhi.
Kairangi He kairangi te wetewete i ngā tuhinga tuatahi.	Hei tohu i te kairangi: <ul style="list-style-type: none"> • Ka nanakia te wetewete i ngā tuhinga tuatahi i whakaritea ai te tatau kupu Māori, kupu whakamāori, tikanga tuhituhi hoki. • Ka tātari i ngā tuhinga tuatahi kia whakamārama ai i ngā tini āhuatanga o ngā tikanga tuhituhi.

Kōrero Āpiti

- 1 E whai ake nei ngā whakamārama o ngā tino kupu, kīanga rānei:

nanakia	Ka whakanikoniko i te kiko o te whakaaturanga e kounga ai. Ka whai huarahi kē atu e tutuki ai te whāinga.
tuhinga tuatahi	Ko ngā tuhinga nō te rautau 1800 ki te 1900.

- 2 Ko te aronga matua o te paerewa nei, ko te āta titiro ki ngā rārangi kupu Māori a te Pākehā me ngā whakamāoritanga kupu Pākehā a te Māori.
- 3 Ko ētahi o ngā tino mahi mā te ākonga, ko te kohikohi haere i ngā rārangi kupu Māori a te Pākehā me ngā rārangi kupu Pākehā i whakamāoritia hei whakariterite i ngā tikanga tuhituhi.
- 4 Ka wetewete, ka māhitihi i ngā tuhinga tuatahi hei tautohu i ngā tikanga i whakamāoritia ai ngā kupu me ngā whakaaro Pākehā.

Kuputaka:

māhitihi

nanakia

nahanaha

tātari

tautohu

tautuhi

tikanga tuhituhi

wetewete

whanaketanga

categorise

well-crafted, original

systematic

analyse

identify

define

writing conventions

parse, deconstruct

development

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki 0233

TAUURU